

KfW/Եվրոպական ներդրումային բանկի և Եվրոպական միության ֆինանսավորմամբ իրականացվող «Կոմունալ ենթակառուցվածքների ծրագիր – Փուլ 3» ծրագրի մասին

ՀՀ կառավարությունը և Գերմանիայի Դաշնային Հանրապետությունը համաձայնության են եկել կնքելու ֆինանսական համագործակցության համաձայնագիր (Միջպետական համաձայնագիր) և ֆինանսավորել «Կոմունալ ենթակառուցվածքներ Ծրագիր II - Փուլ 3» (Ծրագիր) տարածքային ջրային ընկերություններում՝ Շիրակի Զրմուղկոյուղի ՓԲԸ (Շիրակի մարզ), Լոռի Զրմուղկոյուղի ՓԲԸ (Լոռու մարզ), Նոր Ակունք ՓԲԸ (Արմավիրի մարզ) և Հայջրմուղկոյուղի ՓԲԸ (Վայոց Ձոր, Սյունիքի և Գեղարքունիքի մարզեր): Ծրագրի իրականացման նպատակով կնքվել են հետևյալ ֆինանսական համաձայնագրերը՝

1. Վարկային և Ծրագրի համաձայնագիր՝ Հայաստանի Հանրապետության և KfW-ի միջև՝ 30.0 մլն ԵՎՐՈ վարկ (կապիտալ ներդրում)՝ 2013 թվականի դեկտեմբերի 27-ին
2. Ֆինանսական պայմանագիր՝ Հայաստանի Հանրապետության և Եվրոպական ներդրումային բանկի միջև՝ 25.5 մլն ԵՎՐՈ վարկ (կապիտալ ներդրում),
3. Իրականացման ֆինանսական համաձայնագիր՝ Հայաստանի Հանրապետության և KfW-ի միջև՝ 15.0 մլն ԵՎՐՈ դրամաշնորհ (12.0 մլն ԵՎՐՈ՝ կապիտալ ներդրում, 3.0 մլն ԵՎՐՈ՝ տեխնիկական աջակցության դրամաշնորհ)՝ 2014 թվականի մայիսի 14-ին
4. Ֆինանսական համաձայնագիր՝ Հայաստանի Հանրապետության և KfW-ի միջև՝ 2.5 մլն ԵՎՐՈ դրամաշնորհ (տեխնիկական դրամաշնորհ)՝ 2013 թվականի դեկտեմբերի 27-ին:

Կոմունալ ենթակառուցվածքներ Ծրագիր II - Փուլ 3-ը վերաբերում է ջրամատակարարման ցանցի վերականգնմանը, նորացմանը և ընդլայնմանը, ինչպես նաև մի շարք հրատապ միջոցառումների իրականացմանը կոյուղու համակարգում՝ Շիրակի Զրմուղկոյուղի ՓԲԸ, Լոռի Զրմուղկոյուղի ՓԲԸ, Նոր Ակունք ՓԲԸ և Հայջրմուղկոյուղի ՓԲԸ սպասարկման տարածքներում և նաև կեղտաջրերի մաքրման կայանների (ԿՄԿ) կառուցմանը Սևան քաղաքում (Հայջրմուղկոյուղի ՓԲԸ սպասարկման տարածք) և Արմավիրում (Նոր Ակունք ՓԲԸ սպասարկման տարածք) (մանրամասները ներկայացված են Հավելված 2-ում): Ծրագրի նպատակն է բարելավել Շիրակ, Լոռի, Վայոց Ձոր, Սյունիք և Գեղարքունիք մարզերի մի շարք քաղաքների և շրջակա գյուղերի ջրամատակարարման և ջրահեռացման ծառայությունների որակը, վստահության և կայունության ապահովումը՝ բարելավելով կենսապայմանները, բարձրացնելով հանրային առողջության չափանիշները և երկրում խթանելով տնտեսական աճը:

Փուլ 3-ի շրջանակներում նախատեսվում է իրականացնել հետևյալ աշխատանքներ՝

1. Հայջրմուղկոյուղի ՓԲԸ՝ ջրամատակարարման ցանցի վերակառուցում, նորացում և ընդլայնում Վայոց Ձոր, Սյունիք, Գեղարքունիք մարզերի մի շարք քաղաքներում և հարակից

KfW/Եվրոպական ներդրումային բանկի և Եվրոպական միության ֆինանսավորմամբ իրականացվող «Կոմունալ ենթակառուցվածքների ծրագիր – Փուլ 3» ծրագրի մասին

գյուղերում, ինչպես նաև ԿՄԿ-ի և կոլեկտորի կառուցում Գեղարքունիքի մարզի Սևան քաղաքում:

2. Շիրակ Ջրնուղկոյուղի ՓԲԸ՝ ջրամատակարարման ցանցի վերակառուցում, նորացում և ընդլայնում Շիրակի մարզի Գյումրի քաղաքում և մի շարք հարակից գյուղերում:
3. Լոռի Ջրնուղկոյուղի ՓԲԸ՝ ջրամատակարարման ցանցի վերակառուցում, նորացում և ընդլայնում Լոռի մարզի Վանաձոր քաղաքում և մի շարք հարակից գյուղերում:
4. Նոր Ակունք ՓԲԸ՝ ԿՄԿ-ի կառուցում Մեծամոր քաղաքում, ինչպես նաև կոյուղու պոմպակայանի և կոլեկտորի վերակառուցում Արմավիր և Մեծամոր քաղաքներում (Արմավիրի մարզ):
5. Ջրամատակարար ընկերությունների սպասարկման տարածք չընդգրկված 560 գյուղերի ջրամատակարարման համակարգերի բարելավման փորձնական ծրագիր

Ծրագիրը նախատեսվում է իրականացնել 2015-2018 թվականների ընթացքում:

Վերոհիշյալ աշխատանքների իրականացման նպատակով նախատեսվում է ներգրավել Խորհրդատուներ՝ նախագծման, տեխնիկական և հեղինակային հսկողության խորհրդատվական ծառայությունների մատուցման համար: Հայտարարված միջազգային բաց մրցույթի շրջանակներում ներկայումս ընթանում են բանակցություններ հաղթող ճանաչված Խորհրդատուների հետ:

Ինչ վերաբերում է 560 գյուղերի փորձնական ծրագրին (վերոհիշյալ բաղադրիչ 5) Հայաստանի կառավարությունը մտադիր է նշված գյուղական համայնքների համար իրականացնել Ջ և Ջ համակարգերի բարելավման ծրագիր, արդյունքում KfW բանկի ֆինանսավորմամբ CES (Գերմանիա) և «Ջրտուր» ՍՊԸ (Հայաստան) ՀՁ կողմից մշակվել է «Հայաստանի գյուղական համայնքների ջրամատակարարման և կոյուղու համակարգերի բարելավման և զարգացման տեխնիկատնտեսական ուսումնասիրություն», որի հիմնական նպատակն է մշակել վերոհիշյալ բարելավման ծրագիրը/ ուղղվարությունը, առաջարկել ներդրումային առաջնահերթություն և ի վերջո ապահովել ջրամատակարարման և ջրահեռացման ենթակառուցվածքների կայուն զարգացում:

Ուսումնասիրելով 579 համայնքները, Խորհրդատուն առաջնահերթության կարգով դասավորել է դրանք ըստ հերթականության՝ համաձայն 6 հիմնական ընտրության չափանիշների, և զուգահեռ մշակել է ցանկում ընդգրկված համայնքների հետ համագործակցության 5 մոդելներ: Հաշվի առնելով, որ դրամաշնորհային միջոցները կազմում են ընդամենը 10 մլն եվրո և այդ

KfW/Եվրոպական ներդրումային բանկի և Եվրոպական միության ֆինանսավորմամբ իրականացվող «Կոմունալ ենթակառուցվածքների ծրագիր – Փուլ 3» ծրագրի մասին

գումարով հնարավոր չէ բարելավել վերոհիշյալ 579 համայնքների ջրամատակարարման և ջրահեռացման ենթակառուցվածքները, ուստի որոշում է կայացվել համայնքների ցանկում ընդգրկված, ըստ հերթականության, 1-65 համարների տակ գտնվող համայնքներում իրականացնել հարցում՝ ուղարկելով նրանց համագործակցության 5 մոդելներ: Արդյունքները կներկայացվեն տվյալները ամփոփելուց հետո:

Բացի այդ խորհրդատուն պետք է բացահայտի Հայաստանի տարբեր տարածքներում քիչ ծախսատար/էներգախնայող ներդրումներով (ջրահեռացման) ջրամատակարարման երկու փորձնական ծրագրեր՝ հիմնվելով այնպիսի հարցերի լրացուցիչ խորը ուսումնասիրությունների վրա, ինչպիսիք են՝ մասնակցության պատրաստակամությունը, սոցիալ-տնտեսական, կլիմայական, շրջակա միջավայրի ասպեկտները և այլն:

Այս երկու փորձնական ծրագրերի համար խորհրդատուն պետք է պատրաստի նախնական նախագծեր:

- Փորձնական նախագիծ թիվ 1 – Մարգարա, Արարատի մարզ
- Փորձնական նախագիծ թիվ 2 – Խնածախ, Սյունիքի մարզ